

# LA USC DI LADINS - VENERDI' 29 NOVEMBRE 2019

## Secont curs per la »picera Università ladina«

*Davert te Fascia l an academich de Antropolad sot la direzion dl professor Videsott*

Ai 22 de november tl liceo dla Scola Ladina de Fascia el vegnù davert ofizialmenter l an academich de Antropolad, curs de auta formazion sun lengaz, cultura ladina y antropologia per insegnanc y operadours dl raion ladin.

Con sodesfazion à podù la Sorastanta Mirella Florian y l professor Paul Videsott, Degan dla Facolté de Scienze dla formazion

dla Università ledia de Bulsan y diretor de Antropolad, porté dant i dac dl prum curs, dejout ti agn academics 2017-2018 y 2018-2019, con 67 studenc y l 97% de ejit positif.

Al secont curs el belau 40 scricite. Per livel di insegnamenc y dozenc – à dit Videsott – chesta é na vera picera Università tla Ladinia. 16



— De più a piata 9 *L. professor Paul Videsott.*

## Secondo cors per la piccola Università ladina

*Orì te Fascia l'an academich de Antropolad, l cors de auta formazion sot la direzion del professor Paul Videsott*

En vender ai 22 de november a Sèn Jan, tel liceo de la Scola Ladina de Fascia, l'è stat ori ofizialmenter l'an academich de Antropolad, l'auta formazion sun lengaz, cultura ladina e antropologia per insegnanc e operatores che laora tel raion ladin.

Con sodesfazion la Sorastanta Mirella Florian à avert chesta seconda edizion, sottrissan l valor de chest percors formatif, no demò per i dozenc ma per duc chi che à a cher l lengaz e la cultura ladina. Da egn – l'è dit – la comunanza ladina de Fascia spetèa n sistem permanent de auta formazion che posse dèr competenzes linguistiches e culturèles adatèdes per ruèr a arseguèr n insegnament dret e percacent del lengaz ladin. Ruèr a meter a jir chesta «picola università ladina» no l'è stat sori. Ge à volù

empegn, determinazion e sinergia per ruèr a chest resultat prestigios, che respon a n besegn concret tel ciamp de la formazion.

La Sorastanta ge à sport n gran devalpai a duc chi che à cherdù te chest projet e l'è dit che segur l'è amò vèlch che se pel miorèr, ma l'enteress per l lengaz e la cultura ladina declarà da chi che à tout pèrt l fèsc ben sperèr che i posse portèr inant e ge passèr competenzes e amor per l lengaz ladin a la generazions joenes.

L professor Paul Videsott, Degan de la Facoltà de Scienze de la formazion de l'Università ledia de Busan e diretor de Antropolad, l'è portà dant con sodesfazion i dac del prum cors, che se à dejout ti egn academics 2017-2018 e 2018-2019, olache a tout pèrt 67 studenc e beleche l 97% à abù ejit positif: n

resultat dassen aut e sora la media. Ence l secondo cors, peà via ades, à vedù na partezipazion auta con beleche 40 scric ite. Per level di insegnamenc e di dozenc – l'è dit Videsott – chesta l'è na vera piccola Università te la Ladinia, nasciuda per volontà de l'Istitut Cultural Ladin e de la Scola de Fascia de gra a la cordanza anter la Universitàdes de Busan e de Trent, col sostegn de la Provinzia de Trent. Videsott l'è fat a saer che tel Comitad tecnich de Antropolad, ensema al medemo Videsott e a la referenza de l'Università de Trent Patrizia Cordin, l'è stat nominà da pech ence Fernanda Favè per la Scola Ladina de Fascia, Simonetta Iori per l Comun general de Fascia e Paola Gualtieri del Servije mendranzes linguistiches de Trent per la Provinzia.

Videsott à serà sù con i reingraziamenc a duc i partners, l'augurie de bon an academich a studenc e dozenc e la speranza che l cors posse seghitèr a jir inant ence tel davegnir con chisc ejic ezelenc del scomenz.

La professora Cordin é dapò entervegnuda recordan canche, tel meter jù i criteries, se rejonèa de fèr peèr via i corsc se fossa stat amancol 5 enscinuè. I numeres concostè te chisc prumes egn i é jic dassen n muie sora la spetadives e i desmostra



*L'avertura de l'an academich de Antropolad, con l diretor del cors e Degan de la Facoltà de Scienze de la formazion de l'Università ledia de Busan, prof. Paul Videsott.*

l besegn de sporjer na formazion più fona ti ciampes de la linguistica, de la lettradura e cultura ladina e de l'antropologia alpina.

Paroles de salut e de augures de bon cors é ruèdes ence da man de la Procuradora e senatora Elena Testor e de la presidenta de l'Istitut cultural ladin Lara Battisti.

L'avertura ofiziala del secondo cors de Antropolad é jita inant con la prejentazion de n strument dida-

tich de ecezion, metù ensema e dat fora da l'Istitut cultural ladin per endrez del diretor Fabio Chiocchetti apontin per l'auta formazion ladina; se trata del prum volum di «saggi» de antropologia ladina e alpina de l'antropologh e dozent del cors Cesare Poppi. Sun chesta neva publicazion jiron ite più a fon l'outa che vegn.

*Lucia Gross*